

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-451/23  
Sarajevo, 27.1.2023. godine

## Z A P I S N I K

### 1. VANREDNE SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 27.1.2023. godine

Sjednica je počela sa radom u 15:35 sati.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio prisutne delegate.

Sjednici su prisustvovali predstavnici Vlade FBiH, na čelu sa premijerom Fadilom Novalićem kao i predstavnici međunarodnih organizacija.

Prema evidenciji Stručne službe sjednici prisustvuje 73 delegata što čini većinu, pa Dom naroda može raditi i punovažno odlučivati.

Vlada Federacije BiH je dostavila sljedeće prijedloge s prijedlogom da se razmatraju po hitnom postupku:

1. Prijedlog budžeta Federacije BiH za 2023.godinu;
2. Prijedlog zakona o izvršenju Budžeta Federacije BiH za 2023.godinu.

Na osnovu rezultata glasanja, predsjedavajući je konstatovao da je prijedlog da se Prijedlog budžeta Federacije za 2023.godinu razmatra po hitnom postupku dobio potrebnu većinu sa 66 glasova za, bez suzdržanih glasova i sa jednim glasom protiv.

Predsjedavajući je potom stavio na glasanje prijedlog da se Prijedlog zakona o izvršenju Budžeta Federacije BiH za 2023. godinu razmatra po hitnom postupku.

Na osnovu rezultata glasanja, predsjedavajući je konstatovao da je ovaj prijedlog dobio potrebnu većinu sa 68 glasova za, dva suzdržana i bez glasova protiv.

Kolegij Doma naroda je predložio da se u dnevni red uvrsti Prijedlog zakona o izmjeni Zakona o doprinosima, s prijedlogom da se razmatra po hitnom postupku, a čiji je predlagач Fahrudin Čolaković, delegat u Domu naroda.

Ovaj prijedlog zakona istovjetan je tekstu Prijedloga zakona koji je razmatran u Predstavničkom domu, a koji je podnijela poslanica Edina Gabela.

Na osnovu rezultata glasanja, predsjedavajući je konstatovao da je ovaj prijedlog dobio potrebnu većinu sa 61 glasom za, tri suzdržana glasa i bez glasova protiv.

Također, Kolegij je predložio da se u dnevni red sjednice uvrsti tačka **Izbor i imenovanja** u okviru koje bi se razmatrali:

**a) Prijedlog odluke o izboru članova Komisije za europske integracije Doma naroda Parlamenta Federacije BiH,**

**b) Prijedlog članova Komisije za izbor generalnog revizora i zamjenika generalnog revizora Federacije BiH i**

**c) Prijedlog članova zajedničke radne grupe Komisije za izbor i imenovanje oba Doma Parlamenta Federacije BiH.**

U raspravi niko nije učestvovao.

Na osnovu rezultata glasanja, predsjedavajući je konstatovao da je prijedlog da se kao 8. tačka dnevnog reda uvrsti tačka Izbor i imenovanja dobio potrebnu većinu, sa 63 glasa za, pet suzdržanih i jednim glasom protiv.

U raspravi oko dnevnog reda učestvovali su Irfan Čengiđ i Tomislav Martinović.

Na osnovu rezultata glasanja, predsjedavajući je konstatovao da je Dom naroda, sa 64 glasa za, uz jedan suzdržan i jedan glas protiv, prihvatio sljedeći:

#### D N E V N I R E D

1. Prijedlog budžeta Federacije Bosne i Hercegovine za 2023. godinu - hitni postupak,
2. Prijedlog zakona o izvršavanju Budžeta Federacije Bosne i Hercegovine za 2023. godinu - hitni postupak,
3. Prijedlog odluke o davanju saglasnosti na izmjene i dopune Finansijskog plana Zavoda zdravstvenog osiguranja i reosiguranja Federacije BiH za 2022. godinu (druge izmjene i dopune), izmjene i dopune Finansijskog plana Federalnog fonda solidarnosti za 2022. godinu (Anex I.) (druge izmjene i dopune) i Odluku o načinu izvršenja Rebalansa finansijskog plana Zavoda zdravstvenog osiguranja i reosiguranja Federacije BiH za 2022.godinu (druge izmjene i dopune),
4. Prijedlog odluke o davanju saglasnosti na Finansijski plan Zavoda zdravstvenog osiguranja i reosiguranja Federacije BiH za 2023. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije BiH za 2023. godinu,
5. Prijedlog odluke o davanju saglasnosti na Finansijski plan Federalnog zavoda za zapošljavanje za 2023. godinu i procjenu plana za 2024. i 2025. godinu i Odluku o izvršavanju Finansijskog plana Federalnog zavoda za zapošljavanje za 2023. godinu,
6. Prijedlog finansijskog plana - Budžeta FERK-a za 2023.godinu,
7. Prijedlog zakona o izmjeni Zakona o doprinosima, predlagač Fahrudin Čokalović, delegat u Domu naroda - hitni postupak,
8. Izbor i imenovanje:
  - a) Prijedlog odluke o izboru članova Komisije za europske integracije Doma naroda Parlamenta Federacije BiH,

- b) Prijedlog članova Komisije za izbor generalnog revizora i zamjenika generalnog revizora Federacije BiH,
- c) Prijedlog članova zajedničke radne grupe Komisije za izbor i imenovanje oba Doma Parlamenta Federacije BiH.

## **1. Prijedlog budžeta Federacije BiH za 2023.godinu-hitni postupak**

Prijedlog budžeta utvrdila je Vlada Federacije BiH.

Vlada Federacije BiH dostavila je Amandman koji je postao sastavni dio Prijedloga Budžeta.

Predstavnički dom obavijestio je Dom naroda da je na sjednici održanoj 25. i 26.1.2023. godine usvojio Prijedlog Budžeta Federacije BiH za 2023. godinu sa 50 amandmana koje Vlada Federacije BiH nije prihvatila, ali ih je Predstavnički dom izglasao. Tom prilikom Predstavnički dom je usvojio i zaključke.

Na Prijedlog budžeta Federacije BiH za 2023.godinu amandmane su podnijeli Sandra Imširović, delegatkinja u Domu naroda – dva amandmana i Mladen Lonić, delegat u Domu naroda – jedan amandman.

Amandmani su dostavljeni Vladi Federacije BiH na izjašnjenje.

Prijedlog budžeta Federacije BiH za 2023.godinu razmatrao je Privremeni odbor za ekonomsku i razvojnu politiku, finansije i budžet, te dostavio svoj izvještaj.

Prijedlog budžeta Federacije za 2023.godinu obrazložio je gospodin Fadil Novalić, premijer Vlade Federacije BiH.

Predsjedavanje domom preuzeo je Slađan Ilić, potpredsjedavajući Doma naroda.

U raspravi su učestvovali Aida Obuća, Miomirka Melank, Nihad Uk, Emir Dautović, Almir Babajić, Irfan Čengić, Damir Džeba, Muamer Zukić, Jelena Pekić, Azhar Sejarić, Sanela Klarić, Ivo Tadić, Mehmed Memišević, Vibor Handžić, Ivica Pavković, Kenan Magoda i Nezim Alagić.

## **2. Prijedlog Zakona o izvršavanju Budžeta Federacije Bosne i Hercegovine - hitni postupak**

Tekst Prijedloga zakona utvrdila je Vlada Federacije BiH.

Predstavnički dom je obavijestio Dom naroda da je na 1. sjednici, održanoj 25.1.2023. godine usvojio Prijedlog zakona o izvršavanju Budžeta Federacije BiH za 2023. godinu sa jednim Amandmanom kojeg je Vlada Federacije BiH prihvatila, pa je postao sastavni dio Prijedloga zakona.

Također, Predstavnički dom izglasao je 13 amandmana koje Vlada Federacije BiH nije prihvatila.

Prijedlog zakona razmatrao je privremeni Odbor za ekonomsku i razvojnu politiku finansije i budžet.

U raspravi niko nije učestvovao.

Predsjedavajući je predložio Zaključak da se o 13 amandmana koje Vlada Federacije BiH nije prihvatila, ali ih je Predstavnički dom izglasao, izjasne Zaključkom.

Na osnovu rezultata glasanja, predsjedavajući je konstatovao da je ovaj zaključak prihvaćen sa 42 glasa za, sedam suzdržanih i osam glasova protiv.

U raspravi oko ovih amandmana učestvovali su Irfan Čengić, Tomislav Martinović i Izmir Hadžaiavdić.

Predsjedavajući je potom stavio na glasanje Amandmane od rednog broja I do broja XIII koje je Predstavnički dom usvojio na Prijedlog zakona o izvršavanju Budžeta Federacije BiH za 2023.

Na osnovu rezultata glasanja, predsjedavajući je konstatovao da su amandmani prihvaćeni sa 44 glasa za, 15 suzdržanih i sedam glasova protiv.

Potom se prešlo na glasanje o Prijedlogu zakona o izvršavanju Budžeta Federacije BiH za 2023. godinu.

Na osnovu rezultata glasanja, predsjedavajući je konstatovao da je Dom naroda sa 61 glasom za, dva suzdržana i bez glasova protiv, usvojio Prijedlog zakona o izvršavanju Budžeta Federacije BiH za 2023. godinu.

### **3. Prijedlog odluke o davanju saglasnosti na izmjene i dopune Finansijskog plana Zavoda zdravstvenog osiguranja i reosiguranja Federacije BiH za 2022. godinu (druge izmjene i dopune), izmjene i dopune Finansijskog plana Federalnog fonda solidarnosti za 2022. godinu (Anex I.) (druge izmjene i dopune) i Odluku o načinu izvršenja Rebalansa Finansijskog plana Zavoda zdravstvenog osiguranja i reosiguranja Federacije BiH za 2022.godinu (druge izmjene i dopune)**

Tekst Prijedloga odluke dostavila je Vlada Federacije BiH radi razmatranja i davanja saglasnosti. Predstavnički dom je obavijestio Dom naroda da je na 1. sjednici, održanoj 26.1.2023. godine donio Odluku o davanju saglasnosti na izmjene i dopune Finansijskog plana Zavoda zdravstvenog osiguranja i reosiguranja Federacije BiH za 2022. godinu (druge izmjene i dopune), izmjene i dopune Finansijskog plana Federalnog fonda solidarnosti za 2022. godinu (Anex I.) (druge izmjene i dopune) i Odluku o načinu izvršenja Rebalansa Finansijskog plana Zavoda zdravstvenog osiguranja i reosiguranja Federacije BiH za 2022.godinu (druge izmjene i dopune).

Prijedlog odluke razmatrao je privremeni Odbor za ekonomsku i razvojnu politiku finansije i Budžet.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda sa 70 glasova za, bez suzdržanih i bez glasova protiv, usvojio Prijedlog odluke o davanju saglasnosti na izmjene i dopune Finansijskog plana Zavoda zdravstvenog osiguranja i reosiguranja Federacije BiH za 2022. godinu (druge izmjene i dopune), izmjene i dopune Finansijskog plana Federalnog fonda solidarnosti za 2022. godinu (Anex I.) (druge izmjene i dopune) i Odluku o načinu izvršenja Rebalansa Finansijskog plana Zavoda zdravstvenog osiguranja i reosiguranja Federacije BiH za 2022.godinu (druge izmjene i dopune).

#### **4. Prijedlog odluke o davanju saglasnosti na Finansijski plan Zavoda zdravstvenog osiguranja i reosiguranja Federacije BiH za 2023. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije BiH za 2023. godinu**

Tekst Prijedloga odluke dostavila je Vlada Federacije BiH.

Predstavnički dom obavijestio je Dom naroda da je na 1. sjednici, održanoj 26.1.2023. godine, donio Odluku o davanju saglasnosti na Finansijski plan Zavoda zdravstvenog osiguranja i reosiguranja Federacije BiH za 2023. godinu i Odluku o načinu izvršavanja Finansijskog plana i reosiguranja Federacije BiH za 2023. godinu.

Prijedlog odluke razmatrao je privremeni Odbor za ekonomsku i razvojnu politiku finansije i budžet.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda sa 67 delegata za, bez suzdržanih glasova i bez glasova protiv, usvojio Prijedlog odluke o davanju saglasnosti na Finansijski plan Zavoda zdravstvenog osiguranja i reosiguranja Federacije BiH za 2023. godinu i Odluku o načinu izvršavanja Finansijskog plana ZZO i reosiguranja Federacije BiH za 2023. godinu.

#### **5. Prijedlog odluke o davanju saglasnosti na Finansijski plan Federalnog zavoda za zapošljavanje za 2023. godinu i procjenu plana za 2024. i 2025. godinu i Odluku o izvršavanju Finansijskog plana Federalnog zavoda za zapošljavanje za 2023. godinu**

Tekst Prijedloga odluke dostavila je Vlada Federacije BiH.

Predstavnički dom je obavijestio Dom naroda na je na 1. sjednici, održanoj 26.1.2023. godine, donio Odluku o davanju saglasnosti na Finansijski plan Federalnog zavoda za zapošljavanje za 2023. godinu i procjenu plana za 2024. i 2025. godinu i Odluku o izvršavanju Finansijskog plana Federalnog zavoda za zapošljavanje za 2023. godinu.

Prijedlog odluke razmatrao je privremeni Odbor za ekonomsku i razvojnu politiku finansije i budžet.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda sa 65 glasova za, bez suzdržanih glasova i bez glasova protiv donio Odluku o davanju saglasnosti na Finansijski plan Federalnog zavoda za zapošljavanje za 2023. godinu i procjenu plana za 2024. i 2025. godinu i Odluku o izvršavanju Finansijskog plana Federalnog zavoda za zapošljavanje za 2023. godinu.

## **6. Prijedlog finansijskog plana - Budžeta FERK-a za 2023.godinu**

Regulatorna komisija za energiju Federacije BiH dostavila je Parlamentu Federacije BiH Prijedlog finansijskog plana - Budžeta FERK-a za 2023. godinu.

Predstavnički dom je obavijestio Dom naroda na je na 1. sjednici, održanoj 26.1.2023. godine, usvojio Prijedlog finansijskog plana - Budžeta FERK-a za 2023.godinu.

U raspravi niko nije učestvovao.

Predsjedavajući je predložio da Dom naroda Parlamenta Federacije BiH donese sljedeći:

### **Z A K L J U Č A K**

Dom naroda Parlamenta Federacije BiH usvaja Prijedlog finansijskog plana - Budžeta FERK-a za 2023. godinu.

Na osnovu rezultata glasanja, predsjedavajući je konstatovao da je sa 61 glasom za, bez suzdržanih i bez glasova protiv, ovaj zaključak dobio potrebnu većinu.

## **7. Prijedlog zakona o izmjeni Zakona o doprinosima, predlagač Fahrudin Čokalović, delegat u Domu naroda - hitni postupak**

Predlagač ovog zakona je Fahrudin Čolaković, delegat u Domu naroda Parlamenta Federacije BiH.

Predstavnički dom je obavijestio Dom naroda na je na 1. sjednici, održanoj 26.1.2023. godine usvojio Prijedlog Zakona o izmjeni Zakona o doprinosima u tekstu kako ga je predložila poslanica Edina Gabela.

Tekst Prijedloga zakona predlagača Fahrudina Čolakovića istovjetan je tekstu kojeg je predložila poslanica u Predstavničkom domu, Edina Gabela, i tekstu kojeg je dostavila Vlada Federacije BiH s prijedlogom da se isti razmatra po skraćenom postupku.

U raspravi su učestvovali Hikmet Hodžić i Tomislav Martinović.

Predsjedavajući je potom stavio na glasanje prijedlog da Privremeni odbor za ekonomsku i razvojnu politiku i budžet zasjeda i razmatra tekst ovog prijedloga zakona.

Na osnovu rezultata glasanja, predsjedavajući je konstatovao da sa 11 glasova za, ovaj zaključak nije dobio potrebnu većinu.

Na osnovu rezultata glasanja, predsjedavajući je konstatovao da je sa 65 glasova za, jednim suzdržanim glasom i bez glasova protiv, Dom naroda usvojio Prijedlog zakona o izmjeni Zakona o doprinosima.

### **8. Izbor i imenovanja:**

- a) Prijedlog odluke o izboru članova Komisije za europske integracije Doma naroda Parlamenta Federacije BiH,
- b) Prijedlog članova Komisije za izbor generalnog revizora i zamjenika generalnog revizora Federacije BiH,
- c) Prijedlog članova zajedničke radne grupe Komisije za izbor i imenovanje oba Doma Parlamenta Federacije BiH.

#### **a) Prijedlog odluke o izboru članova Komisije za europske integracije Doma naroda Parlamenta Federacije BiH,**

Predsjedavajući je saopštio delegatima da je prijedlog Kolegija, da se za članove Komisije za europske integracije izaberu: Tomislav Martinović, predsjednik, Izen Hajdarević, zamjenik predsjednika, Slađan Ilić, član, Damir Džeba, član, Muamer Zukić, član, Igor Stojanović, član i Izmir Hadžiavdić.

U raspravi je učestvovao Nihad Uk.

Na osnovu rezultata glasanja, predsjedavajući je konstatovao da je Prijedlog odluke o izboru članova Komisije za europske integracije Doma naroda Parlamenta Federacije BiH, dobio potrebnu većinu, sa 61 glasom za, jednim suzdržanim i jednim glasom protiv.

#### **b) Prijedlog članova Komisije za izbor generalnog revizora i zamjenika generalnog revizora Federacije BiH**

Na osnovu člana 24. Zakona o reviziji institucija u Federaciji BiH generalnog revizora i zamjenika generalnog revizora imenuje Parlament Federacije BiH na prijedlog Predsjednika Federacije BiH, a prema rang listi kandidata koje priprema komisija za izbor iz stava 3. ovog člana.

Parlament Federacije BiH imenuje Komisiju za izbor od šest članova iz oba doma Parlamenta Federacije BiH, od kojih su dva člana iz reda suprotnih stranaka.

Generalni revizor i zamjenik generalnog revizora imenuju se na period od sedam godina bez mogućnosti ponovnog imenovanja najranije dva mjeseca prije isteka mandata.

Predstavnički dom je obavijestio Dom naroda da je na 1. vanrednoj sjednici, održanoj 26.1.2023. godine, donio Odluku o osnivanju i imenovanju članova u zajedničku radnu

grupu za provođenje procedure u vezi sa imenovanjem generalnog revizora i zamjenika generalnog revizora.

Također, Predstavnički dom je obavijestio Dom naroda da je na 1. vanrednoj sjednici imenovao Dragana Miokovića, Adnana Efendića i Delfu Dejanović u ovu komisiju. U ime Kolegija Doma naroda predloženo je da se u ovu komisiju imenuje gospođa Amra Babić, gospodin Tomislav Mandić i gospođa Dragana Damjanović.

Na osnovu rezultata glasanja, predsjedavajući je konstatovao da je sa 55 glasova za, osam suzdržanih i dva glasa protiv, ovaj prijedlog dobio potrebnu većinu.

### **c) Prijedlog članova zajedničke radne grupe Komisije za izbor i imenovanje oba Doma Parlamenta Federacije BiH.**

Kolegij Doma naroda je predložio da se u zajedničku radnu grupu Komisije za izbor i imenovanje oba doma Parlamenta Federacije BiH imenuju Ilija Ilić, Ljubinka Atanasijević i Aida Obuća.

U raspravi niko nije učestvovao.

Na osnovu rezultata glasanja, predsjedavajući je konstatovao da je sa 59 glasova za, tri suzdržana i jednim glasom protiv, ovaj prijedlog dobio potrebnu većinu.

Nakon toga, premijer Vlade Federacije BiH Fadil Novalić, je istakao da je Vlada Federacije BiH odbila sve amandmane koji su uloženi na Prijedlog budžeta Federacije BiH za 2023. godinu.

Predsjedavajući je nakon toga, zatražio od predlagača amandmana da se izjasne o tome da li ostaju pri svojim amandmanima ili žele da se o njima izjasni Dom naroda.

Mladen Lonić i Sandra Imširović su odustali od traženja izjašnjenja Doma naroda.

Muamer Zukić, predsjednik Kluba delegata bošnjačkog naroda je zatražio kratku pauzu da bi se konsultovao sa Klubom, u vezi amandmana koje su oni kao Klub predložili.

Nakon pauze od 10 minuta, Muamer Zukić je saopštio da je stav Kluba da ostaju pri amandmanima i da traže izjašnjenje Doma naroda.

Nakon toga, predsjedavajući je stavio na glasanje dva amandmana Kluba delegata bošnjačkog naroda u Domu naroda Parlamenta Federacije BiH.

Na osnovu rezultata glasanja, predsjedavajući je konstatovao da sa 23 glasa za, 17 glasova protiv i 29 suzdržanih glasova, Amandman I nije dobio potrebnu većinu.

Na osnovu rezultata glasanja, predsjedavajući je konstatovao da sa 26 glasova za, 18 suzdržanih i 27 glasova protiv, Amandman II nije dobio potrebnu većinu.

Predsjedavajući je potom stavio na glasanje izjašnjavanje o 50 amandmana koje je usvojio Predstavnički dom, s prijedlogom da se o njima Dom izjasni u jednom glasanju.



Na osnovu rezultata glasanja, predsjedavajući je konstatovao da je Dom naroda sa 46 glasova za, 12 suzdržanih i 10 glasova protiv, prihvatio amandmane od rednog broja 1. do 50. koje je usvojio Predstavnički dom Parlamenta Federacije BiH na Prijedlog budžeta Federacije BiH za 2023. godinu.

Nakon toga, prešlo se na glasanje o Prijedlogu budžeta Federacije BiH za 2023. godinu.

Na osnovu rezultata glasanja, predsjedavajući je konstatovao da je Dom naroda sa 69 glasova za, bez suzdržanih i bez glasova protiv, prihvatio Prijedlog budžeta Federacije BiH za 2023. godinu.

Sjednica je završila s radom u 19 sati i 21 minutu.

\* \* \*

Transkript sjednice čini sastavni dio Zapisnika.

\* \* \*

SEKRETAR  
Izmir Hadžić

PREDSJEDAVAJUĆI  
Tomislav Martinović